

## SANTA ZEZILIAREN KANTAK.

Agur, gure biotzeko,  
Santa Zeziliya!  
Zure soñu ederrai  
Dariote eztiya  
Jarrai zenduelako  
Jainkoa-ren deiya;  
Lagun guri, kantatzen  
Zure *Fede argiya*.

Erakusten diozu  
Baleriano-ri  
Zeruko aingeru bat  
Zere goartari,  
Segi-deyola, esanik  
*Fedeko* argiyari,  
Utzirik munduaren  
Illuntasunari.

Zure biotz garbiko  
Itz zoragarriyak  
Irabazitzen ditu  
Betiko anaiyak,  
Baleriano eta  
Tiburzio, biyak;  
Irur onzako zeuden  
Martiri koroiyak.

Zure bertute eder  
Distiatzalleak  
Zuganatu gaitzala  
Gu *-soñu-zaleak*;  
Bertute oyen lurruñ  
Parerik gabeak  
Lagunduko digute  
Izaten obeak.

Suspertu belarriak,  
Danik lasterrena;  
Enzun kanta aingeruzko  
Zezilia-rena:  
Soñu ori sar-bedi  
Biotza-barrena,  
Izan dediñ an beti  
Jaungoikuarena.

Zu kantari ohea  
Lurreko iñor baño:  
Ez degu aifñ ederrik  
Aditu egundaño:  
Zure ondoren gatoz  
Eri otzaraño,  
Zurekin igo-arte  
Zerubetaraño.

Atzera mundutarren  
Kantari gaistuak,  
Ondatzen dituztenak  
Anima gaisuak;  
Biotzak alchaturik  
Aitu zerukuak,  
Santa Zizilia-berak  
Obraz kantatuak.

Alcha-zagun bai danok  
Zeruronz burua:  
Irabazten badegu  
Munduan zerua,  
¡An bai degula izango  
Guztiz gozatsua,  
Santa Zezilia-kin  
Musika-soñua!

